



LE GOUVERNEMENT  
DU GRAND-DUCHÉ DE LUXEMBOURG  
Ministère de l'Éducation nationale,  
de l'Enfance et de la Jeunesse



ZLS  
Zenter fir  
d'Lëtzebuurger  
Sprooch

**Pressedossier**

**Wuertschatz.lu**

**Typesch lëtzebuergesch Spréch sammelen an  
opliewe loossen**

**21. Juni 2021**

# Wuertschatz.lu

## Typesch lëtzebuergesch Spréch sammelen an opliewe loossen

Der Sprooch Visibilitéit ginn. Dat wëll déi nei Initiativ *Wuertschatz.lu* vum Ministère fir Educatioun, Kanner a Jugend zesumme mam Zenter fir d'Lëtzebuergesche Sprooch.

Den Accent läit op Spréch, well och den zweete Band vun der Serie *Lëtzebuergesch Wuertschatz* 99 typesch Lëtzebuergesch Riedensaarten presentéiert. Dat verréit och schonn den Titel vum Buch: *D'Pan klaken + d'Schong voller Féiss*.

Den Educatiounsminister Claude Meisch ënnersträicht, wéi wichteg d'Lëtzebuergesche Sprooch fir de Grand-Duché ass: „Eis Sprooch zeechent eist Land aus ewéi kaum eppes anescht. Duerch eis Sprooch ënnerscheede mer eis vun anere Länner a Regioune.“

D'Bedeutung vu Spréch a Riedensaarten am Lëtzebuergesche kann ee bal net ze héich aschätzen: Am *Lëtzebuergesch Online Dictionnaire* (LOD) hu vun de ronn 50.000 Beispillssätz der bal zéng Prozent en iwewerdene Sënn. Dee gëtt dann an enger Gloss erkläert, well e méi ass wéi just d'Bedeutung vun den eenzele Wierder („e Wénk mat der Scheierpaart“). Dat ënnersträicht de Stelleväert, deen ausdrucksstaark Biller an der Sprooch hunn.

Datt dobäi och dat Emotionaalt eng grouss Roll spillt, ënnersträicht eng aner Zuel: Vun de bäino 5.000 glosséierte Beispillssätz am LOD sinn der méi ewéi 3.100 als ëmgangssproochlech markéiert, jo deels esouguer graff oder vulgär – eeben: vun der Long op d'Zong. Derbäi kënnt, datt Riedensaarten vill zum Flair vun enger Sprooch bäidroen.

D'Wuertschatz-Initiativ gräift zéng Spréch aus dem Buch op a setzt se do an Zeen, wou d'Leit ënnerwee sinn: ënnert anerem op vill besichte Plazen an am öffentlechen Transport, awer och am Internet. Nieft klaseschen Affichë ginn och animéiert Postere gewisen. Ausserdeem gëtt et Radiospotten, déi a witzege Mini-Dialogen de Gebrauch vu Spréch illustréieren. An um Internetsite *wuertschatz.lu* kann een zousätzlech eng Hellewull Spréch kenne léieren an och selwer seng léifste Spréch proposéieren.

### Am öffentlechen Raum an no bei de Leit

Mat der Wuertschatz-Initiativ lancéiert de Ministère fir Educatioun, Kanner a Jugend eng Öffentlechkeetscampagne, fir d'Lëtzebuergesch als Kommunikatiouns- an Integratiounssprooch weider ze stäerken, esou wéi et och am Regierungsprogramm festgehalen ass. D'Wuertschatz-Bicherserie an d'Campagne kommen och dem Engagement vun der Regierung no, fir Wierder an Ausdréck opliewen ze loossen, déi a Vergiessenheet gerode sinn.

D'Lëtzebuergesche Sprooch huet den Ament enorme Réckewand: D'Nofro no Lëtzebuergesch-Coursen ass risegrouss, zegdausend Landkaarte mat den Nimm op Lëtzebuergesch goufe bestallt, d'Zuele vun de Consultatiounen am *Lëtzebuergesch Online Dictionnaire* (LOD) ginn an

engem Stéck erop, vun der *Lëtzebuenger Orthografie* sinn an der Tëscht méi ewéi 15.000 Kopië verdeelt ginn an de Band 1 vun der Serie *Lëtzebuenger Wuertschatz* huet direkt mussen nogedréckt ginn.

Fir den Interessi un der Sprooch weider héichzehalen, huet de Ministère decidéiert, hir eng flott Visibilitéit am ëffentleche Raum ze ginn – ëm Nationalfeierdag a virum Summer. De Fokus läit op Spréch, well si de ganze Räichtum vun der Lëtzebuenger Sprooch illustréieren an emotional beréieren: Dat Metaphorescht ass dacks spilleresch, suergt fir Staunen oder léist e Schmunzelen aus.

Op strateegesche Plazen am ëffentleche Raum ginn Affichë gewisen, fënnef animéiert Motiver sinn och op digitale Supporten ze gesinn, ënnert anerem am Tram. Op Internetsitten an an de soziale Medie gëtt et Webbanneren a Clippen an och um Radio lafe Spotten.

Ausserdeem fueren zéng Bussen uechter d'Land, déi hannendrop e flotte Sproch an Evidenz setzen. Alles dat mam Zil, der Sprooch Visibilitéit ze ginn a gläichzäiteg Loscht op se ze maachen.

### **99 typesch Riedensaarte faarweg opbereet**

*Elo ass d'Bëtschel fett! Mir war de Kolli bal geplatzt! Hien ass den Hond am Keelespill.* Ëm Spréch geet et och an der neier Publikatioun vum Zenter fir d'Lëtzebuenger Sprooch: *D'Pan klaken + d'Schong voller Féiss* ass den Titel vum Band 2 vun der Serie *Lëtzebuenger Wuertschatz*. 99 typesch Lëtzebuenger Riedensaarte ginn doran op eng faarweg Manéier virgestallt. De lëtzebuergeschen Erklärungsaz aus dem LOD gouf extra fir d'Buch an déi véier Iwwersetzungsproocher vum Dictionnaire iwwersat, op Däitsch, Franséisch, Englesch a Portugisesch, fir den Zougang ze vereinfachen an der gelieferter Méisproochegkeet am Land Rechnung ze droen.

### **E breet Zilpublikum**

Campagne a Buch riichte sech u jiddereen, dee sech fir d'Lëtzebuenger Sprooch interesséiert. De Choix vun de Spréch gouf esou gemaach, datt een eenzeler nach kennt, anerer nees an Erënnerung geruff kritt an nees anerer vläicht eng éischte Kéier liest.

Nieft der Vermëttlung an dem Erkläre vun den Ausdréck geet et virun allem drëm, dës originell Facette vun der Lëtzebuenger Sprooch an Evidenz ze setzen: Wéi eng Riedensaarte gëtt et? Wat kann een alles domat ausdrécken? Wou kann ee se gebrauchen? A méi allgemeng: Wéi räich ass d'Lëtzebuenger Sprooch a wat fir Schätz verstoppe sech an hir?

D'Wuertschatz-Initiativ an déi nei Publikatioun wëlle Loscht maachen op dësen Aspekt vum Lëtzebuenger Wuertschatz, deen och fir den eegene Sproochgebrauch eng interessant Beräicherung kann duerstellen an den Zougang zu Texter mat enger bildlecher Sprooch kann erlichteren.

Natierlech kann ee mat de Spréch och am Lëtzebuergesch-Unterrecht am Secondaire schaffen. Vun der nächster Rentrée u gëtt jo en neie Lëtzebuergesch-Cours an de Lycéeën op der Quatrième gehalen.

### **En Internetsite fir matzemaachen**

D'Sprooch leeft vun der Interaktioun, dofir gëtt d'Wuertschatz-Initiativ flankéiert vun engem multimedialen an interaktiven Internetsite. Op *wuertschatz.lu*, deen och ënnert der alternativer Schreifweis *wuertschaz.lu* kann ofgeruff ginn, fënnt een net nëmme sämtlech Motiver– also d’Affichen an och déi animéiert Posteren –, et kann een do och fir säi léifste Sprooch ofstëmme respektiv *voten*.

Nieft den zéng ausgewielte Spréch kann een awer och nach en Tour duerch weider 99 Spréch maachen: „Dreck schauert de Mo!“ [seet een zu engem, deem eppes beim lessen net propper genuch ass], „d’Haus verléiert näischt!“ [wat een am Haus verluer huet, fënnt een enges Daags erëm] an „dat ass de Glanz!“ [dat ass genial!] sinn der just e puer vun de ville Glossen aus dem Dictionnaire.

D’Notzer vum *Wuertschatz*-Site ginn och opgefuerdert, selwer Spréch eropzelueden. Dës ginn dann no an no iwwer den Zenter fir d’Lëtzebuenger Sprooch validéiert an um Site publizéiert. Dëse Korpus soll e klengen Abléck dora ginn, wat fir eng Spréch nach am Gebrauch sinn. Natierlech soll en och weisen, wéi eng Riedensaarten de Spriecher apaart um Häerz leien.

Falls et zousätzlech Erklärungen zum Sprooch gëtt (Regioun, Bedeitung, etc.), kann een déi och um Site mat op de Wee ginn.

### **Praktesch Informatiounen iwwer d’Buchserie**

D’Serie *Lëtzebuenger Wuertschatz* gouf 2020 gestart a soll de Räichtum vun der Lëtzebuenger Sprooch dokumentéieren. Nodeems am éischte Band Wieder virgestallt goufen, ginn am zweete Band Riedensaarte presentéiert. Méi spéit kommen och semantesch Felder drun. Am Ganze sinn zwielef Bicher virgesinn, déi no an no vum ZLS zesumme mam SCRIPT publizéiert ginn.

„Aläert, jauwen, Zockerboun“

123 Pärelen aus der Lëtzebuenger Sprooch

Serie: Lëtzebuenger Wuertschatz, Band 1

© Ministère fir Educatioun, Kanner a Jugend, Lëtzebuerg 2020

Redaktioun: Zenter fir d’Lëtzebuenger Sprooch (ZLS)

Editeur: ZLS a SCRIPT

Layout: Laurence Dostert

Dréckerei: Imprimerie OSSA, 2. Oplo

ISBN 978-2-9199644-1-3

96 Säiten, 10 Euro

„D’Pan klaken an d’Schong voller Féiss“  
99 typesch Lëtzebuenger Riedensaarten  
Serie: Lëtzebuenger Wuertschatz, Band 2  
© Ministère fir Educatioun, Kanner a Jugend, Lëtzebuerg 2021  
Redaktioun: Zenter fir d’Lëtzebuenger Sprooch (ZLS)  
Editeur: ZLS a SCRIPT  
Layout: Laurence Dostert  
Dréckerei: Imprimerie OSSA, 1. Oplo  
ISBN 978-2-9199644-2-0  
96 Säiten, 10 Euro

De Band 3 vum *Lëtzebuenger Wuertschatz* soll am Hierscht erauskommen. Dora geet et ëm Uebst a Geméis, ëm Nëss, ëm Kraider a Gewierzer an hir lëtzebuergesch Bezeechnungen.





**Retrouvez l'actualité du ministère de l'Éducation nationale, de l'Enfance et de la Jeunesse sur [www.men.lu](http://www.men.lu) et sur Facebook**